



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ulrichi Hvtteni Eqvitis Germani Opera Poetica

Hutten, Ulrich von
[Frankfurt am Main], 1538

VD16 H 6395

Avtor Theologistis.

urn:nbn:de:hbz:466:1-13027

TRIUMPHVS

Quenq; suo titulo uideo impartire salutem,
Omnibus his non uilis honos, omnesque uirenti
Fronde coronat helyx, Da nunc, da Phorca triūpho,
Da pompeq; locum. Nunc tu, communiter omnis
Nunc leta, atq; hilari percussa ad sidera uoce.

Parasceue

Dicat Io, si se nouit Germania, dicat.

Hoc omnes uincunt, hoc omnes iure triumphant,
Moribus atq; animis istis, uirtutibus istis.
Quiq; sequestratis uitijs, & fraude remota
Vixerunt, quiq; immunes scelerumq; malorumque
Exegere dies, studiosaque pectora ueri,
Innocuique omnes, & quorum libera corda
Pro Christo fuerant, & religione parentum,
Et certare uiris, & ferre extrema parati,
Quique odio fratres eneruatosque Sophistas,
Ob scelus, aut certè ob cuncta ignorantia corda
Sectati fuerant, iterumque iterumque triumphent,
Et titulo Capnionis ouent, sua gloria dignis
Eueniat, sed nunc Capnioni ex omnibus uni
Dicit Io, quia se nouit Germania, dicit.

FINIS Triumpho.

AVTOR THEOLOGISTIS.

LAqueum sumite Theologistæ. Viginti amplius
sumus in insaniam ac perniciem uestram coniu-
rati. Debetur hoc Capnionis innocentia, debetur ue-
stro sceleri, debetur Reipub. literariæ, In ò bono hoc
quo

CAPTIONIS.

quodam fit Christianæ religionis fato, cui uos obsecrata luce, pudēdas inuexistis tenebras, quibus nos expulsi ac effugati, Christianum dijs atq; hominibus plaudentibus illustrabimus orbem. Renatus est Hieronymus. Nouum Testamentum lucem induit. Multa ex Hebræo, multa ex Græcis eruuntur. Ardet opus. Interea uos quid agitis, cur quis Theologos uos uocet? Nempe hoc, ut agentem hæc Captionem, literis ac temporum nostrorum gloriæ adimatis. Proinde laqueum sumite. Multorum ore uobis canitur, quorū non idcirco sum ego optimus, quia primus, sed idcirco primus, quia minimè patiens moræ. Vos igitur moneo coniurati, adeste, incumbite, ruptus carcer est, iacta alea, regredi non licet, obscuris uiris laqueū præbui, nos uicissim herbam sumemus.

IN LAUDEM REVERENDISSIMI ALBERTI ARCHEPISCOPI Moguntini, Vlrichi de Hut. Eq. Ger. Panegyricus.

AD CLARISSIMUM EQVITEM EX Heluolsum de Lapide Sueuum, Magistrum Curie, et ciuitatis Moguntinæ Præfectum, Vlrichi de Hutten Eq. Ger. in Panegyricum sequentem præfatio.

N